



O'ZBEKISTON RESPUBLIKASI SUV XO'JALIGI VAZIRLIGI HAY'AT QARORI

2023-yil 18-aprel

№ 5/2

Toshkent sh.

Ўзбекистон Республикаси Президентининг 2022 йил 21 декабрдаги “Янги Ўзбекистон маъмурий ислохотлари доирасида республика ижро этувчи ҳокимият органлари фаолиятини самарали ташкил этиш чора-тадбирлари тўғрисида”ги ПҚ-447-сонли қарорининг ижросини таъминлаш борасида амалга оширилаётган ишлар ва навбатдаги долзарб вазифалар ҳақида

Вазирлик ҳайъати таъкидлайдики, ҳисобот даврида Ўзбекистон Республикаси Президентининг 2022 йил 21 декабрдаги “Янги Ўзбекистон маъмурий ислохотлари доирасида республика ижро этувчи ҳокимият органлари фаолиятини самарали ташкил этиш чора-тадбирлари тўғрисида”ги ПҚ-447-сонли қарорининг ижросини таъминлаш борасида бир қатор ишлар амалга оширилган.

Маъмурий ислохотлар доирасида тизим ташкилотларининг фаолиятини самарали ташкил этиш мақсадида вазирлик марказий аппарати, Қорақалпоғистон Республикаси Сув хўжалиги вазирлиги, вилоятлар ирригация тизимлари ҳавза бошқармалари, туманлар ирригация бўлимлари, вазирлик тасарруфидаги республика ва тизим ташкилотлари ҳамда Сув хўжалиги вазирлиги ҳузуридаги Сув хўжалиги объектлари хавфсизлигини назорат қилиш инспекциясининг тузилмаси тасдиқланган.

Вазирлик тизимидаги бошқарув ходимларнинг умумий сони жами 1138 та шундан, марказий аппаратда – 91 та, Қорақалпоғистон Республикаси Сув хўжалиги вазирлиги ва вилоятлар ирригация тизимлари ҳавза бошқармаларида – 238 та, Туманлар (шаҳар) ирригация бўлимларида – 774 та, Марказий диспетчерлик, коммуникация ва кадастр хизматида – 6 та, Ахборот-таҳлил ва ресурс марказида – 6 та, Сув хўжалиги объектлари хавфсизлигини назорат қилиш инспекциясида – 23 та қилиб белгиланган.

Вазирлик тизимида қисқартиришга тушган ходимларни ишга жойлаштириш жараёни бўйича вазирликнинг марказий аппаратида қисқартиришга тушган лавозимлар сони 14 та (шундан, ходимлар 2 нафар, мавжуд вакантлар ҳисобига 12 та), ҳудудий бўлинмаларда – 399 та, Сув хўжалиги объектлари хавфсизлигини назорат қилиш инспекциясида – 10 та, Марказий диспетчерлик, коммуникация ва кадастр хизматида – 3 та, Ахборот-таҳлил ва ресурс марказида – 4 та, ушбу ходимларнинг 38 нафари ишдан бўшатирилган (1 нафари пенсияга чиқиши муносабати билан), Тизим ташкилотларга 341 нафар, бошқа ташкилотларга 24 нафар ходимлар ишга жойлаштирилган.

Ўзбекистон Республикаси Сув хўжалиги вазирлиги ҳузуридаги Сув хўжалигида капитал қурилиш лойиҳаларини амалга ошириш агентлиги фаолияти тугатилган ҳамда унинг вазифа ва функцияларини амалга ошириш мақсадида капитал қурилиш ва ерларнинг мелиоратив ҳолатини яхшилаш ишларига масъул бўлган вазир ўринбосари лавозими жорий этилиб, вазирликнинг марказий аппаратида Сув

хўжалигида капитал қурилиш лойиҳаларини шакллантириш ва амалга ошириш бошқармаси ташкил этилган.

Вазирлар Маҳкамаси ҳузуридаги Сув хўжалиги объектлари хавфсизлигини назорат қилиш давлат инспекцияси инспекцияси вазирлик тасарруфига ўтказилган.

Мазкур қарорнинг ижросини таъминлаш бўйича янгидан тасдиқланадиган штат жадвалларига мувофиқ вазирлик тасарруфидаги ташкилотларнинг штат жадвали, раҳбар ва ходимлари сони, бўш иш ўринлари тўғрисидаги маълумотларни ҳам “Ягона миллий меҳнат тизими” идоралараро дастурий-аппарат комплексида тўлиқ ва сифатли киритилиб, маълумотлар янгиланиб боришмоқда.

Лекин, ушбу қарорнинг ижросини таъминлаш борасида эришилган натижалар билан бирга ҳисобот даврида бир қатор хато ва камчиликларга, қолоқликларга ҳам йўл қўйилган бўлиб, ҳозирги кунда ўз ечимини қутаётган масалалар мавжуд.

Қорақалпоғистон Республикаси, Бухоро, Қашқадарё, Навоий, Самарқанд, Тошкент вилоятларида мазкур қарорнинг 21 банди ижросини таъминлаш мақсадида вазирлик ҳамда тизим ташкилотларида масофавий ишни ташкил этиш ва мослашувчан иш тизимини такомиллаштириш бўйича ташкилий-ҳуқуқий чора-тадбирлар режаси ишлаб чиқилмаган ҳамда назоратга олинмаган.

Қорақалпоғистон Республикаси, Бухоро, Қашқадарё, Самарқанд, Тошкент вилоятлари томонидан “Ягона миллий меҳнат тизими” идоралараро дастурий-аппарат комплексида янгидан тасдиқланадиган штат жадвалларига ташкилотларнинг штат жадвали, раҳбар ва ходимлари сони, бўш иш ўринлари тўғрисидаги маълумотлар тўлиқ киритилмаган.

Қашқадарё, Самарқанд, Тошкент вилоятлари томонидан сув хўжалиги соҳаси бўйича ҳудудда ягона давлат сиёсатини амалга ошириш ҳамда белгилаб берилган мақсадли кўрсаткичларга эришишга қаратилган амалий ва манзилли чора-тадбирлар ишлаб чиқилмаган ҳамда жойларда ижтимоий ва иқтисодий ҳолатни таҳлил қилган ҳолда, аҳолини қийнаётган тизимли муаммоларни бартараф этиш ҳамда ҳудудларни ижтимоий-иқтисодий ривожлантириш бўйича ишлар амалга оширилмаган.

Юқорида қайд этилган хато-камчиликлар ва қолоқликларни зудлик билан бартараф этиш, ўз ечимини қутаётган мавжуд муаммоларни ҳал қилиш, Ўзбекистон Республикаси Президентининг 2022 йил 21 декабрдаги ПҚ-447-сонли қарори ижросини сўзсиз таъминлаш бўйича бошқарувнинг барча даражадаги раҳбар ва мутахассисларнинг шахсий масъулияти ва жавобгарлигини кучайтириш мақсадида, ҳайъат йиғилиши

Қарор қилади:

1. Ўзбекистон Республикаси Президентининг 2022 йил 21 декабрдаги “Янги Ўзбекистон маъмурий ислохотлари доирасида республика ижро этувчи окимият органлари фаолиятини самарали ташкил этиш чора-тадбирлари тўғрисида”ги ПҚ-447-сонли қарорининг ижросини таъминлаш борасида амалга оширилаётган ишлар **қониқарсиз деб топилсин**.

2. Вазирнинг биринчи ўринбосари А.Назаров, вазир ўринбосарлари Р.Қаршиев, Б.Камалов, Д.Ходжахимедов, вазирлик марказий аппаратининг бошқарма ва мустақил бўлим бошлиқлари, Қорақалпоғистон Республикаси Сув хўжалиги вазири ва барча ирригация тизимлари хавза бошқармаси бошлиқларига Ўзбекистон Республикаси Президентининг 2022 йил 21 декабрдаги “Янги Ўзбекистон маъмурий ислохотлари доирасида республика ижро этувчи окимият органлари фаолиятини самарали ташкил этиш чора-тадбирлари тўғрисида”ги ПҚ-447-сонли қарорининг ижроси тўлиқ даражада таъминламаганлиги, ўз ечимини қутаётган мавжуд муаммоларни ҳал қилишда ташкилотчилик, талабчанлик ва ташаббускорлик

етишмаётганлиги, ўз зиммаларига юклатилган вазифаларни бажаришда сусткашликка ҳамда хато-камчиликлар ва қолоқликларга йўл қўйганлиги *жиддий кўрсатиб ўтилсин.*

2.Ўзбекистон Республикаси Президентининг 2022 йил 21 декабрдаги “Янги Ўзбекистон маъмурий ислохотлари доирасида республика ижро этувчи окимият органлари фаолиятини самарали ташкил этиш чора-тадбирлари тўғрисида”ги ПҚ-447-сонли қарорининг ижроси белгиланган муддатларда, сифатли ва тўлақонли таъминламаганлиги, зиммасига юклатилган вазифаларни бажаришга лоқайдлик ва масъулиятсизлик билан қараганлиги учун Қорақалпоғистон Республикаси Сув хўжалиги вазири А.Реимбаев, Аму-Бухоро ирригация тизимлари ҳавза бошқармаси Э.Файзиллаев, Аму-Қашқадарё ирригация тизимлари ҳавза бошқармаси А.Турсунов, Қуйи Зарафшон ирригация тизимлари ҳавза бошқармаси А.Убайдуллаев, Зарафшон ирригация тизимлари ҳавза бошқармаси А.Бойсариев, Чирчиқ-Оҳангарон ирригация тизимлари ҳавза бошқармаси бошлиғи Б.Қурбоновларга *огоҳлантириш эълон қилинсин.*

3.Вазирнинг биринчи ўринбосари А.Назаров, Вазир ўринбосари А.Қаршиев, Вазир ўринбосари Д.Ходжихамедов, Инсон ресурсларини ривожлантириш бошқариш бўлими бошлиғи Х.Лапасов, Юридик хизмат ва коррупцияга қарши курашиш бошқармаси Р.Шаропов ҳамда Ташкилий-назорат ва таҳлил бошқармаси бошлиғи М.Ибрагимовларга:

уч кун муддатда вазирлик марказий аппаратининг бошқарма ва мустақил бўлим бошлиқлари ҳамда ходимларига мазкур қарорнинг мазмун-моҳиятини етказиш, ижросини тизимли равишда ташкил этиш ва таъминлаш юзасидан шахсий масъулияти ва жавобгарлигини ошириш;

ҳар чоракда мазкур қарор ва унинг ижросини таъминлаш бўйича Назорат режасида белгиланган топшириқларнинг ўз вақтида ва сифатли бажарилишини таъминлаш;

ҳар чоракда мазкур қарор ва унинг ижросини таъминлаш бўйича Назорат режасида белгиланган топшириқларнинг ижроси ҳақида вазирликнинг хайъат йиғилишига ахборот, таклиф ва хулосалар тақдим этиш вазифалари топширилсин.

4. Қорақалпоғистон Республикаси Сув хўжалиги вазирлиги, вилоятлар ирригация тизимлари ҳавза бошқармалари, туманлар ирригация бўлимлари ҳамда вазирлик тасарруфидаги республика ва тизим ташкилотлари раҳбарларига:

уч кун муддатда барча даражадаги раҳбар ва мутахассисларга мазкур қарорнинг мазмун-моҳиятини етказиш, ижросини тизимли равишда ташкил этиш ва таъминлаш юзасидан шахсий масъулияти ва жавобгарлигини ошириш;

бир ҳафта муддатда масофавий ишни ташкил этиш ва мослашувчан иш тизимини такомиллаштириш бўйича ташкилий-ҳукукий чора-тадбирлар режасини ишлаб чиқиш;

икки ҳафта муддатда сув хўжалиги соҳаси бўйича ҳудудда ягона давлат сиёсатини амалга ошириш ҳамда белгилаб берилган мақсадли кўрсаткичларга эришишга қаратилган амалий ва манзилли чора-тадбирларни ишлаб чиқиш;

мутазам равишда жойларда ижтимоий ва иқтисодий ҳолатни таҳлил қилган ҳолда, аҳолини қийнаётган тизимли муаммоларни бартараф этиш ҳамда ҳудудларни ижтимоий-иқтисодий ривожлантириш бўйича дастурларни ишлаб чиқишда ва амалга оширишда иштирок этиш;

ҳар чоракда мазкур қарор ва унинг ижросини таъминлаш бўйича амалга оширилаётган ишларни вилоят ва туман ташкилотлари кесимида танқидий руҳда ўрганиб чиқиш, умумий йиғилишларда ва ҳар ой якуни бўйича ўтказиладиган аппарат

йиғилишларида муҳокама қилиб боришни тизимли равишда ташкил этиб бориш вазифалари топширилсин.

5. Мазкур ҳайъат йиғилиши қарори топшириқларининг ижросини назорат қилиш вазирнинг биринчи ўринбосари А.Назаров зиммасига юклатилсин.

Ҳайъат раиси



Ш. Ҳамраев